

次復爐

香官使者左右龍虎君待香謝靈官官今解  
散黃籙齋壇之所自然生金液丹碧芝英百  
靈眾真交會在此香火爐前弟子存亡受  
福家國霑恩十方仙童玉女侍衛香烟傳臣  
向來所啓迎御

太上無極大道至真玉皇上帝 御前各三禮

次法師上香而東立辭三寶 此壯廣

時留已過日影漸虧香遍虛無鴻鐘息響道  
遠金闕經入玉函稽首皈依 和無上道寶

香隨風散聲入泰清名掛金牌題書玉簡仙  
童上記玉女進文稽首皈依 和無上經寶

道場圓滿法席周圍一切眾生登無為岸稽  
首皈依 和無上師寶

願諸眾生諸惡莫作眾善奉行常生中土不  
墮邊方六道蒙恩都罷對過禮十方 和得

道真仙一切聖衆 一拜

次旋行誦三塗五苦頌下榜 出消廣

志智慈本  
願大成

次吟解壇頌

次吟學仙頌旋行出壇 出本無數者

次出戶呪

次詣五帝三師監齋三官天師幕玄

師幕 謝禮

次華夏引高功歸室

次眾官禮法師三拜長跪謝曰

恭等叨佩下風預瞻法事雖違科戒多有違

愆願垂恕亮 三拜

弟子率男女大小詣師九禮三伏謝

曰

恭等千生慶會蒙師開度齋功成就生死荷

恩不勝忝切自初迄終觸物短闕願垂開宥

又三拜  
受福

无上黃籙大齋立成儀卷之十八

无上黃籙大齋立成儀卷之十九 在元

廣成先生杜元庭集

科儀門

禁壇儀 諸師下降單單夏殿引一周至  
正一法師一人主壇持揚行  
禁壇法事如高功自行亦可

泰玄都正一平炁係天師其治祭酒亦天三

五步罡元命真人臣某上言臣聞運陰陽者

莫過乎百靈濟 存亡 者豈逾於大道故碧落

有奕祥之變令人測之黃籙有拯拔之科今

人修之臣雖至愚切慕玄化謹佩大法叨稱

治官所歷壇場敢忘報效以今某年太歲某

甲某月某日奉為某官某處官觀為某事崇

修无上黃籙大齋若干日夜行道轉經依科

關奏臣等湔形鍊氣棲心靜神勉期奉行敢

不上啓伏惟太上布惟新之令開覆育之恩

敕下真官分司降監使烟雲暫息於三界風

雨無施於四溟灑謝必聞啓傳無聞臣不勝

仰望之至精思念具伏侍報應

平曠目思青龍朱雀白虎玄武次頭

歲午五星日月映然四方垂手握固

呪曰

東方青龍角亢之精吐雲鬱氣噴雷發聲飛翔八極周遊四溟來侍吾左  
西方白虎上應紫雲英英素質肅肅清音威攝衆獸嘯動山林來立吾右

南方朱雀象禽之長丹穴化生碧霄流響奇絳五色神儀六像來導吾前

北方玄武太陰化生虛危表質龜蛇合形盤遊九地統攝萬靈來從吾後

吾召四靈四靈既集即當遊帶日扶月巡行九州十六神將為吾使天官地官水官同其休

次丁罡三步進前右手取劍執而呪之曰

五行所運大木水土金我佩剛劍禁殺鬼神二十八宿隨吾指陳北斗七星挾輔靈真周遊萬方百福同臻

次取水挽左手執之呪曰

江河淮海非常水五龍吐出清天地大帝服之三萬年今日吾將淨妖氛

次劍水相向呪曰

東方青龍嚙符降真炁入吾水中南方赤龍嚙符降真炁入吾水中西方白龍嚙符降真炁入吾水中北方黑龍嚙符降真炁入吾水中中央黃龍嚙符降真炁入吾水中吾水非常之水五龍五星真炁之水吾劍非常之劍九鍊堅剛七星挾旁踏躡北斗踞踞鬼罡太一注水周流萬方清無過水濁無過穢以清蕩濁以水治穢急急如律令

重敕東方青帝木官解穢君吏九人南方赤帝火官解穢君吏三人西方白帝金官解穢君吏七人北方黑帝水官解穢君吏五人中央黃帝土官解穢君吏一十二人上請天上解穢吏地下解穢吏今歲直符解穢吏今月直符解穢吏今日直符解穢吏今時直符解穢吏解穢將軍吏其人童子一合真官降

下屆此齋壇之所解除天穢地穢人穢鬼穢牛馬六畜禽蟲之穢破穢風從前呈後自東及西以次解穢立遣清淨即使天穢還天地穢還人穢還鬼穢還一切邪穢速

去萬里不得留止急急如律令

次西行至乾上呪曰此名萬步元

乾尊羅靈 坤順內榮 二儀交泰 六合利貞 配哭享地 永寧肅清 應感靈黃 上衣下裳 震離坎兌 翼贊扶將 乾坤良巽 虎步龍驤 天門地戶 人鬼環衛 衛我者誰 昊天旻蒼 今日禹步 上應天罡 鬼神賓伏 下辟不祥 所啟所陳 應特靈光

次禹步三步九跡自西北至東北面

南呪曰

上請東方青帝青童君從官兵士九千萬人乘歲星炁浮空而來降臨壇所臣從東北角結界至東南角行神布炁搜索邪精祛除鬼賊有罪無赦

次三步九跡自東北至東南面西呪

曰

上請南方赤帝赤童君從官兵士三千萬人乘心惑星炁浮空而來降臨壇所臣從東南角結界至西南角行神布炁搜索邪精焚燒鬼賊有罪無赦

次三步九跡自東南至西南面北呪

上請西方白帝白晝君從官兵士七千萬人乘太白星真炁浮空而來降臨壇所臣從西南角結界至西北角行神布炁搜索邪精誅斬鬼賊有罪無赦

次三步九跡自西南至西北面東呪

上請北方黑帝黑童君從官兵士五千萬人乘辰星真炁浮空而來降臨壇所臣從西北角結界至于中央行神布炁搜索邪精漂蕩鬼賊有罪無赦

次三步九跡從東南面埋心呪曰

上請中央黃帝黃童君領黃衣兵士十二萬人乘鎮星真炁浮空而來降臨壇所臣從上方結界至于壇中行神布炁搜索邪精埋藏鬼賊有罪不赦

次順行至東北面北呪曰

臣今奉為某官某乙修建黃錄大齋依科行道請天仙兵馬九億萬騎地仙兵馬九億

萬騎飛仙兵馬九億萬騎真人兵馬九億萬騎神人兵馬九億萬騎日月星宿兵馬各九億萬騎九宮五帝兵馬各九億萬騎三河四海兵馬各九億萬騎五嶽四瀆兵馬各九億萬騎並各嚴裝絡繹風雷電舉雨沛雲騰一合來下降臨壇所透壇三匝蓋壇三重上張天羅下布地網九土再功兵馬列陣於壇場內外四面八方所有土木精邪伏尸故炁一切凶穢於道不順者收付魁罡之下入地萬丈無動無作急急如太上老君律令

畢於地戶上書鬼字卓初於鬼心中

九天有命 普告萬靈 從召天真 俱會帝庭 太一下降 雙星翊精 監察禦邪 理悉攝生

若有不祥 干試神明 請帝之道 敕整神兵 七神乘鐵 天鋒右征 揮劍前驅 煥擲火鈴 撤命甲騎 虎卒天丁 風火齊戰 伐邪殺精 上威六天 下攝魔靈 既威既攝 萬凶滅形 神戈電掃 姦妖無生 仙皇建節 有命敢停

拒節違命 是誅汝形 各警多慎 保茲黃寧 九天告命 萬神敬聽

次華夏黃引法師自地戶旋行升壇 禮燈儀 先舉仙須黃引法師出壇吹吟 於地戶上 五禮祝

太極太虛真人曰陰陽立象天地分形晝夜既殊晦明有異所以清淨表質諸天為僊聖之都濁厚沈形諸地為鬼神之府九天之上陰炁俱消九地之下陽光水隔是則幽冥之界無復光明當晝景之時猶如重霧及昏冥之後更甚陰靈長夜罪魂無由開朗眾生或無善業夙有罪根歿世以來沉淪地獄受諸惡報幽閉鬱郁不規三光動經億劫我天尊大慈悲愍弘濟多門垂然燈之文以續明照夜靈光所及罪惱皆除更乘鐵拔之緣使遠往生之願若有善男子善女人發無上道心依按科格來詣齋所齋備香油為國主帝王君臣父子三塗九夜若幽若明依法然燈照燭內外上映諸天之上福堂之中下照九地之下地獄之內使苦魂超度幽爽開光九祖

生天三塗罷暗福雷一切功德無窮當知此人積劫善緣必得成道今有未乙修建黃籙大齋依按簡文然燈供養當願帝王享福二景著明七祖生天三塗朗晏見世神明敬祐真聖護持福祚龜龜永登仙界弟子

上元金籙簡文真仙品曰然燈威儀於道戶上然二燈以照齋主住宅為弟子消災度厄安鎮宅神弟子於燈下三禮法師呪曰

正一陽光 炎上朱烟 開光童子 一十二人洞照一宅 及得我身 百邪摧落 却鬼萬千

光明朗徹 通真遠靈 升入無形 與道自然上元金籙簡文其仙品曰然燈威儀於本命

上然三燈以照三魂為弟子制邪度厄拘守三魂弟子於燈下三禮呪曰

陽光洞明 三魂自生 總錄萬神 長付我形

日月齊景 永保無傾

上元金籙簡文真仙品曰然燈威儀於行年

上然七燈以照七魄為弟子安神却禍制魄除邪弟子於燈下三禮呪曰

明燈燁光 遊精不飛 七魄安守 萬神歸歸

日中齊景 長處光輝

上元金籙簡文真仙品曰然燈威儀於太歲上然一燈以照太歲之神為弟子除一年災

害福度來弟子於燈下三禮呪曰 太陽流輝 光焰四方 洞照我身 七緯九重

內朗外明 洞達太空

上元金籙簡文真仙品曰然燈威儀於大墓先世亡魂託生淨域斷絕注訟解復連之災

魂受光明 景更反胎 得生玉門 歡樂怡怡

上元金籙簡文真仙品曰然燈威儀於小墓上然五燈以照齋主近代塚墓拔度神爽得

生天堂判祐見在福祚興昌弟子於燈下三禮呪曰

長夜幽冥 萬劫無開 景潛大陰 七魄蕩飛

朱童童子 太陽洞輝 照明魄戶 神爽同歸

上元金籙簡文真仙品曰然燈威儀於中庭

然七燈以照七祖父母幽魂苦爽待生天堂

弟子於燈下三禮呪曰

天地回轉 代謝相推 九幽無光 七祖不開 太陽開度 死魂應歸 明燈續夜 朽骸生輝

上元金籙簡文真仙品曰然燈威儀於中庭然九幽之燈以照九幽長夜之府拔度九幽

之中弟子先亡魂爽覩見光明弟子於燈下三禮呪曰

九幽冥冥 萬劫無光 長夜閉魂 元始未通 華燈續明 下照土皇 開度七玄 上升南宮

洞照一宅 世為仙王

上元金籙簡文真仙品曰然燈威儀於夾門然二燈以照宮宅為弟子祛邪掃毒保護閭

門弟子於燈下三禮呪曰 陽光開朗 朱烟爛輝 太炎童子 備守玄扉

洞照宮宅 四窻八閭 驅鬼捕邪 萬精斬摧

三界敬護 世世不衰 眾真交會 日月齊輝

上元金籙簡文真仙品曰然燈威儀於地戶

上然二十四燈以照二十四生氣為弟子延生益炁增福安神注上生名削除死籍弟子於燈下三禮呪曰



三部八景 合成我身 二十四炁 以成我神  
明燈自然 上開泰玄 身度水火 與炁自然  
八景齊光 願得神仙

上元金籙簡文真仙品曰然燈威儀於八方  
然八燈以照八卦為弟子照耀八達開聽九

官八神密衛八方開通弟子於燈下呪曰

三景煥明 八卦開憲 天炁靜閉 太陰隱光

華照照冥 萬願開通 身入光華 永享無窮

上元金籙簡文真仙品曰然燈威儀於四面

中央然九燈以照九宮為弟子度九官災厄

上九宮仙名弟子於燈下呪曰

九五方位 天地開張 玄光潛伏 太陰太陽

明我華燈 上照九宮 玄夜開明 我願吉昌

上元金籙簡文真仙品曰然燈威儀於十方

然十燈以照十方為弟子照明十極招真降

靈解釋災厄名書十天弟子於燈下呪曰

天關地閉 玄陰不明 烟土未烟 為我通冥

十方尊神 玄鑿我形 魂魄同輝 自然光精

上元金籙簡文真仙品曰然燈威儀於四面

然二十八燈以照二十八宿為弟子消除死

錄蓋上生名比于落苑南斗延生弟子於燈下呪曰

明星大煥 光流十門 玄精下映 九幽不宣

我然華燈 乘光上聞 願得清五 照我形魂

上元金籙簡文真仙品曰然燈威儀於天門

上然三十六燈以照三十六天為弟子開度

上祖父母昇入天堂弟子於燈下呪曰

龍漢滂滂 三炁乘女 梵行渺渺 彌羅大千

悠悠長魂 仰望綿綿 今日明燈 我願我仙

與我七祖 同昇諸天

上元金籙簡文真仙品曰然燈威儀於五方

然五燈以照五方為弟子于上名仙籙保鎮身

形弟子於燈下呪曰

五嶽靈山 安鎮五方 五帝尊神 神仙之宗

今日然燈 上照天王 記我命籍 度入仙宮

七祖解脫 同昇太空

上元金籙簡文真仙品曰然燈威儀功德至

重上照諸天下明諸地八方九夜並見光明

見此燈者皆得罪滅福生然燈之主其福甚

深九祖父母上主天堂去離憂苦永出九幽

道造上元仙宮之中見在安泰子孫興昌門  
尹清肅萬災不干存亡開度生死荷恩功德  
無量所向從心於家於國咸獲利貞九夜三  
塗登真道

右然燈呪法出上元金籙簡文經杜廣成

儀落景行道畢導引眾官弟子等旋速燈

下依位呪之每呪畢眾官弟子皆禮留冲

睛祝燈在宿谷前似不如宿谷後合宜也

每夜一禮祝為佳法師心力不逮速侍經

侍燈禮祝之亦可弟子止於都門外拜禮

也

### 次念善

次以學仙讚引歸元師前散如常儀

上元金籙簡文真仙品曰然燈威儀侍燈之

官勤為用意要令燈光明徹竟外不得中滅

半暗半明令人絕世常宜謹之

上元金籙簡文真仙品曰然燈威儀明旦滅

燈法師呪曰

玄陰開光 長燈續明 太陽已朗 八幽開清

燈還太陰 光附景生 日月二真 與我合昇

呪畢便滅燈

无上黃籙大齋立成儀卷之十九

无上黃籙大齋立成儀卷之二十

廣成先生杜光庭集

科儀門

投龍壁儀

詣洞天於門外選平地或船中或石上並須掃淨精潔以設醮位淨席五領醮巾兩條青布緋布並可酒茶湯隨盤數五果餅饌隨時所有國家六十分臣庶二十四盤香四爐巾案四副正面三寶位左洞府神仙位右直土地監察位及法師關奏位陳設訖以香水洒壇之外以盥氣換禁禁救如常儀師徒弟子並須潔漱嚴潔以虔恭為先不得因循喧聒不恭於事考罰尤深次唱各禮師存念如法次思三尊經寶玄師五星五帝五嶽五嶽五靈經籍度師三色雲炁當處洞府真仙靈司監察官為日直土地儼然在坐羅列分明如齊法訖依科行事

投山簡法

先於洞府門外鋪設醮位訖禮師存神如

本法

各禮師存念如法

次衛靈呪

次鳴法鼓二十四通

發爐

无上三天玄元始三炁太上老君召出臣等身中三五功曹左右官使者左右捧香驛龍騎吏侍香金童傳言散花玉女五帝直符直日香官各三十六人出出者嚴裝關啓某處土地里域真官正神臣今正爾燒香奉為某官為某事乞修設无上黃籙大齋功圓事畢投簡靈山水簡作靈泉土簡作靈石願得太上十方正真之炁降流臣等身中令臣所啓速達逕御太上無極大道崑崙五嶽靈山洞府前各三水簡太上無極大道崑崙五嶽靈山洞府前土簡太上無極大道九土次各攝法位具法位奉行黃籙投龍法事且恭謹奏請大羅玉清無極無上至真大道元始天尊太上道君太上老君三十六部尊經玄中大法